



UPA16/112
8. april 2016
Agathe Fontain

Uunga siunnersuut: Ilinniarfinni aamma ilinniagaqartut ineqarfiini aangajaarniutunik atuisoqartarnersoq pillugu misissuisoqartarnissaa pillugu Inatsisartut inatsisaat nr. xx, xx 2016-imeersoq.

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Siunnersuut Naalakkersuisut ikiaroonartunut politikkiannik tunuliaquteqartoq, inatsisitigut killiliussinissamut tunngavissaqarnermik aallaaveqarpoq.

Inuit Ataqatigiit ikiaroonartunut atornerluinermut akiuiniarneq ilungersorluta assigiinngitsutigut suliaarput.

Pingaartitaraarput naartuunermiit piaartumik iliuseqartarnek, tamanna pitsaaliuinerummat pitsaasoq aqutigissallugu. Ilaqutariit pingaartinneqarnissaat, ajornartorsiuteqarnermilu ataatsimut isiginnilluni ilaqutariit sullinneqartarnissat pisariaqartoq isumaqarpugut.

Inuit Ataqatigiit pinaveersaartitsinermi sulinitsinni kaammattuilluni sulineq aqutissaasoq angusaqarfiunerpaasartorlu ilisimavarput. Inuit pineqarmata, inuillu assigiinngitsuummata, pillaanerillu iluatsinngitsut, sulii sakkortunerusumik pillaanikkut anguniarneqartarnissaat naggaterpiaatigut iluatsinngiffiusartut atuakkat qassit naqissusertarmassuk.

Inuit Ataqatigiinniit katsorsartinnissap akeqanngitsup aqutissiuunnissaa anguarput. Inatsisartut Inuit Ataqatigiit siunnersuuteqarnerisigut akuerissutigineqarmat. Ikiaroonartumik inuusuttut akornanni akiorneqarnissaa anguniarlugu, ilinniarfinni imigassamik, ikiaroonartumillu akiuiniarnernut politikkeqarnissaq Inuuneritta 2-kut anguniarneqarnissaa siunniussimallugu.

Inatsisissamut siunnersuutikkut Naalakkersuisut ilinniarfinni, ilinniagaqartullu ineqarfianni, misiliutit atorlugit atuisunik nassarinninnissartik anguniarpaat, tassa pillaanek aqutigalugu pinaveersaartitsineq anguniarneqarpoq. Inatsisissatut siunnersuummi, misissuineq taamaallaat allakkatigut misissuiffigineqartutut toqqarneqartoq akuersineratigut pisinnaavoq.

§ 3 stk stk. 2 imatut allaqqalluni.

"Misissuinermi tamani iliniagaqartup akuersinnginnerani paasissutissiisoqartassaaq misissuinermit tunuliaqutaasut siunertaasullu pillugit, ilisimatitsisoqartassaarlu misiligutissamik tiguisoqarnissaa nammineq piumassutsimik pisussaasoq, kisiannili itigartitsineq inatsisitigut ikiaroonartumik atuinertut nalilerneqarsinnaasoq."

Tassa imaappoq: pinngitsaaliilluni, nammineq aaliangiinermik taallugu, iliorneq.

Inuk pasisaq pineqaatissinneqarnikuunngitsorli, pisinnaatitaaffini atorlugu naaggaarsinnaatitaaguni, imaasinnaangilaq, pisinnaatitaaffini atoruniuk pillagaanermik kinguneqartinneqassasoq.

Inatsisissamummi siunnersuummi pasineqartoq misissugassatut toqqagaq, naaggaarpat ikiaroonartumik atuisutut nalilerneqassaaq.

Tusarniaaneq sap. akunneri tallimat inorlugit sivistigisimasoq, tassa juullikkuni sulingiffiit peeraanni, sivikippallaarsimasutut oqaatigineqartariaqarpoq.

Oqartussaaqataaneq pingaartikkaanni, tusarniaaneq sivilunerusariaqarpoq. Tusagassiutigut tusaamavarput Naalakkersuisut pingasut, Peqqissutsimut, Ilaqutariinnermut, Ilinniartitaanermullu, suleqatigiillutik ikiaroonartumut akiuniarnermik suliaqartut. Pakatsinarpoq tusarniaanerinnakkut suliaq ingerlanneqarsimappat. Ataatsimoornermik akissutit ersititsinngimmata.

Tusagassiutigut tusaamavarput Naalakkersuisut pingasut, Peqqissutsimut, Ilaqutariinnermut, Ilinniartitaanermullu, suleqatigiillutik ikiaroonartumut akiuniarnermik suliaqartut. Pakatsinarpoq tusarniaanerinnakkut suliaq ingerlanneqarsimappat. Ataatsimoornermik akissutit ersititsinngimmata.

Ilaqutariinnermut Naalakkersuisoqarfiup akissuteqanerminni makku ilaatigut oqaatigai: Sundehestyrelsep rapportiliaani periutsinik innersuusisunik.

Erseqqissarneqarpoq sunniuteqarnerpaat tassaasut, kaammattuinermik tunngaviklimmik pinaveersaartistineq aqutissasoq pitsaanerpaq.

Sunniuteqanngitsunilu taavaat, uuma inatsisissatut tunngavia, misiligutinik tiguisarneq. Misiligutinik tiguisarneq ilinniartuniit tatigisaqarneq innarlerneqartartoq, atuanngitsoornernillu kinguneqartartoq.

Misilitsinerup taamaallaat takussutississagaa, pineqartoq inimi ikiaroorfiusumiissimasoq ulluni 1-14 tungaata iluani

Aningaasatigut kingunissaanni ersinngilaq ilinnartuq misilitsinnermini hashitortartoq paasineqarpat anisitaanermillu kinguneqarpat, ilinniakkaminik naammassinngitsoornissaa kiisalu pisortanit ikiorsiissutinik siviluumik pisartagaqalernissaa.

Tusarniaanerniit makku uparuarneqarsimasut maluginiarpagut: Apeqqutigineqarpoq, Arlaleriarluni unioqqutitsisimaneq tunngavigalugu anisitaagaanni, taava anisitaasoq inuusuttoq sussava? Qanoq ililluni iliniagaqarnini naammassiniassavaa?

Meeqqat illersuisuata Inuit Ataqaatigiit ernumagisaasa assinganik ernumagisaqartoq. Mianersoqqussummik pisimasoq, qanoq pilersaaruteqarfigineqassava? Atuisuusutut nalilerlugu soraasikkaanni, katsorsarneqarnissamik atuijunnaarnissamik iliuitsit suut atorineqassappat?

Imigassamut Ikiaroonartunullu Siunnersuisooqatigiit akissutaat imaannaanngitsut innersuusutigaagut, ataatsimiititaliamilu sulinermi uparuakkat ataasiakkaarlugit misissoqqullugit.

Soorluttaaq Qeqqata kommuneata allaffissornikkut akissutaat ernummateqartoq , inuusuttuit anisitaasunut iliuuseqarnissamut ernummatitalik maluginiaqqunarpoq. IMAK-miit ersarissarneqarpoq siunnersuut ersertitsisoq inuusuttunut tatiginnginnermik annertuumik , allaat ilimagineqarsinnaamat ikiarootassasut, atsiortereerneqarsimassasut misiliiffigitissinnaanermik.

Soorlu IMAK aperisoq, Naalakkersuisut inuiaqatigiit tatigeqatigiinngitsunik pilersitsiniarnerut.

SIK siunnersuummut akerliusoq, ilinniartunut pisariaqanngitsunik pasinarsaataasinnaamat.

Kanukoka oqaaseqaateqanngilaq, kommuneniit tusagaqarsimannginnami.

Ilisimatusarfik , GUX Aasiaat, siunnersuummut oqaaseqaateqanngillat.

Inatsisissatut siunnersuut Naalakkersuisut siunnersuutigaat, taamaakkaluartoq maluginiarpaput Naalakkersuisoqarfiit assut assigiinngitsunik Inatsisissamut siunnersuummut isummersortut, tusarniaanermut akissuteqarnermikkut.

Tusagassiutitigut tusaamavarput Naalackersuisut pingasut, Peqqissutsimut, Ilaqutariinnermut, Ilinniartitaanermullu, suleqatigiillutik ikiaroonartumut akiuiniarnermik suliaqartut. Pakatsinarpoq tusarniaanerinnakkut suliaq ingerlanneqarsimappat. Ataatsimoornermik akissutit ersititsinngimmata.

Ataatsimiititaliami sulinermi Inuit Ataqtatigiinnit paasiniaqquagut makku:

Ikiaroonartooq ilaatigut sap. akunneri 6-llit tikillugit timimiittoq, misilitsinnikkut takuneqarsinnaasarpooq. Misiligummik tigutiffigittoq oqarpat atualinngikkallarami atuisimalluni, taamaammatt kollegiemi najukkamini, atuarfimmiluuniit maleruagassanik unioqutitsisimanani. Taava suneqassava?

Taamatuttaaqq kollegiet atuarfiullu avataani atuisimaneq inatsisitigut, eqqartuussiveqarnikullu (retslig) illersorneqarsinnaavaa pineqaatissiissutigigaanni?

Taamaattumik Inatsisinut atuutitsinermut ataatsimiititaliap sulilluarnissaannik kissaapparput, apeqquterpassuit akineqarnissaannik sulilluaqqullugu.

Inatsit tunngaviusooq malillugu, inuk pineqaatissinneqarsimanngitsoq pisinnaatitaaffeqarpoq, eriagilluinnagassatsinnik. Ataatsimiititaliamilu sulinermi maluginiarluinnaqqunarpoq, naaggaarsinnaatitanerup aqqani iliuuseqarsimagaanni, tamanna inatsimmi aamma malinneqarnerooq.

Qulaani taasagut tunngavigalugit inatsisissat akuerisinnaanngilarput.

Inuit Ataqtatigiitniit ikiaroonartumik akiuiniarnerneq uku aqqugitalugit ingerlanneqassasoq

- Piaartumik iliuuseqarneq
- Akeqanngitsuimik katsorsaanikkut
- Ikiaroonartumillu eqqussuinerup pinaveersaartinnissaa